

**31 IULIE**  
**RUGACIUNEA 3**  
**SF.MUCENIC**  
**IURIE NOVITKI**  
**DE LA ST.PETERSBURG**

**Молитва третья**

О, святой новомучениче Юрие Петроградский!  
К тебе, скорому помощнику и теплому  
молитвеннику, недостойнии, прибегаем,  
смирненное моление приносяще: не презри ны,  
немощныя, по вся дни и часы в беззакония  
впадающия. Ей, святче Божий, не остави ны,  
твоея милости приносящия, велие бо имаши  
дерзновение ко Христу Богу нашему, яко многи  
муки и страдания за Него и смерть лютую приял  
еси и, ныне со Ангелы Престола Божию  
предстоя, умоли Господа Бога избавити ны от  
всякия скорби и болезни и всякаго зла, наипаче  
же от нахождения врага темнаго, Церкви  
Православней благоденствие даруй; град  
Петров, в немже страдания приял еси, и всю  
землю Русскую миром огради, от всякаго злаго  
обстояния избави и вся, к животу временному

полезная и ко спасению вечному приводящая, даровати нам у Господа Бога нашего испроси, да молитвами твоими христианскую кончину получитьи вси сподобимся и, козней диавольских и муки вечныя избавльшеся, безконечнаго блаженнаго Царствия причастницы будем.

О святой и добропобедный новомучениче, сотвори молитвы твоя за всех страждущих, за лишенных крова, работы, за сущих во обстояниях тяжких, за пребывающих в отчаянии и тревоге о днях грядущих.

Ей, святой Юрие, ниспошли благословение Божие всем в радости сущим, упроси Творца нашего даровати помощь благодатную семьям нашим, чадом, старцем и старицам, да сподобит всех нас Милосердный наш Господь во всяк день и час жития нашего в мире и славословии Божиим пребывати. К предстательству и заступничеству твоему прибегая, угоднице Христова, усердно просим тя: приклони Милосердие Божие, к нашей Святей Церкви, к архипастырям, пресвитером, монашествующим и миряном, яко ты еси всеблагий заступниче наша пред Престолом Всесвятыя и Нераздельныя Троицы.

Вознеси молитвы твоя, о святой страстотерпче, за всех умерших в надежде всеобщего

воскресения, да простит им Господь вся согрешения их, вольная и невольная. О святы́й Юрие, испроси у Иисуса Христа, Господа и Спасителя нашего, прощения всех наших прегрешений, яже от юности до настоящего дня и часа согрешихом. Умоли Господа нашего исполнити вся просьбы наша и молитвами твоими сподоби ны славословити купно с тобою Всесвятаго Господа и Бога нашего, Отца и Сына и Святаго Духа и ныне и присно и во веки веков. Аминь.